

ordenado cum licentia tamen de i officiali de nocte o chavi de sestier i qual ne debia far far nota. E possa tuti i nostri officiali de tuti i officii de Venexia che ha barche de officiali procieder in le condanaxon predicte. E sia fato le cride ogni mexe a San Marcho et Rialto. Et a questa condition siano le nave, barchosi, barche, et ogni altro navilio, i qual siano tenuti mandar cum barche le suo imonditie al lido.

Sia etiam comandado per la Signoria ai cavi de sestier chel sia mandado el mercore el sabato i burchi per i sextieri sonando el corno levando le schovaze per obviar che i ridi non se atterra e sia fato le cride in tute le parochie de Venexia de questa nostra deliberation. E sel sarà trovado che per algun de alguna chaxa el fosse gitado schovaze o terra in Chanal overamente dentro da i ridi sia condannado el patron de la chaxa chome parerà a quelli officiali a chi sarà fata la confidencia siando la cossa provada non possando de quella condanaxon haver alguna appellation non possando ampuo soldi cento per volta. Se veramente nel Chanal Grando se fosse butado ruodena o sabion o altre imonditie sia punidi chi contrafesse aspramente. E se algun se volesse lamentar de simel condannaxon non possa esser alididi dalgun official senza expressa licentia de la Signoria dei conseieri almen. E in questo caso sia fato quel che vorà raxon.

I luogi veramente publici dove antiquamente se soleva butar le scovaze, debia esser revisti et refate le chasse per i dicti piovegi azo che le persone possi a quelli far condur le suo imonditie.

E per caxon che le nave che se desfa nel nostro Canal Grando daladi de la punta da la sal fa una rosta e laqua non può chorer per el leto del chanal et convien andar suso per la melma et alza e longa quella chome se vede che la punta de quella vien nel mezo nel nostro Canal Grando. Sia ordenado che alguna nave ne galia ne altro navilio se possa piui desfar daladi de la punta fin a Santa Marta ne daladi de la Zudecha ne suxo el nostro Canal Grando fin ala punta de Sancto Antonio, ma desfazasse al lido o dove per el Collegio sera deliberato. Siando i patroni de quelle obligadi haverle fato nete da la savorra e scovando molto ben le corbe avanti che quelle i venda o chonduca per far desfar soto pena de perder le nave senza alguna remission E possa condannadi per tuti nostri officii de Venexia a chi prima sera fata la conscientia.

Le nave e barchosi e galie che vora savornar e chadaun altro navilio debia savornar da la bocha de rio de larsena in zoso e cum la stuora davanti. E sel sera contrafato per i sabioneri chaza de lire X per burchio et altratanto quel del navilio. Le galie da merchado e sotil debia savornar chome e ordenado de sora soto la dicta pena da esser scossa ut supra. E sia dado noticia de questo nostro ordene al gastaldo di sabioneri ne possa esser concesso da esser fato altrammenta ne per la Signoria ne per niun altro officio soto pena de ducati cento per cadauno che contrafesse

da esser cossa (scossa) per i nostri avogadori de Chomun.

E perchè le vegnudo a noticia nostra che molti patroni de nave e navilii de nocte fa butar savorna nel nostro Canal Grando che e la principal bellezza che habia questa nostra cita vastando et atterrando quello sia ordinado sel sara trovado che algun patron si de nave chome de navilio de chadauna condition se voia che faza butar savorna nel nostro canal si de di chome de nocte et etiam siando gitado per i suo marineri stia uno anno in prexon serado e pagi lire cento che vegna ne i officiali per i qual savera habudo quelli haver contrafato non i possando esser facto alguna gratia soto le pene et stricture de sopra annotade.

Non se possa per algun portar ne ruodena ne fango ne scovaze ad algun luogo che se voia atterrar cussi in Venexia chome a Muran et ala Zudecha sel non sarà luogo palificado e sarà cum maieri si che el fango romagna in quella pallada soto pena a chi contrafesse de soldi 40 per burchio Et al patron de chi fosse el luogo dove se butasse de soldi cento per burchio da esser scossa per i officiali ut supra.

Demum perchè in tante et cussi diverse provision poria acader bisogno de qualche nova deliberation o dechiaration per miglior execucion de quelle sia prexo chel collegio habia libertà in execucion et ampliation de le predicte deliberation terminar e prender parte chome a quello over ala maor parte apparera, non passando pero variar quelle differentie diminuirle ne impazarle per algun modo ma solamente agrandirle e favorizarle, sel sarà de bisogno. E quello che per esso Collegio circa de 20 (ciò) sera prexo e deliberado sia cussi fermo chome el fusse prexo in questo conseio (ARCH. STA. VEN., *Sen. Terra*, reg. 5, c.º 2^t e 3).

Si andò tuttavia a rilento nell' eseguire il grande programma.

Il cronista Malipiero annotava il 12 Giugno dell'anno dopo (1463) « A' 12 de Zugno, fo preso che tutti gli officii che scuode danari e i despensa, paghi un soldo per partia, eccetto pro d' imprestado e mercede: e che 'l deposito sia fatto in man de i Camerlenghi, e sia per la fabrica de i pozzi de piazza e de i altri luoghi publici: e questo danaro ha fatto un fondo si grandio, che senza interesse de particolari, rende tanto che 'l satisfa alla fabbrica de i pozzi, e delle salizae (selciati) e a la cavation de i rii. Ma tuto è stà sospeso per la cavation del Canal Grando, la spesa della qual è stà fatta per terzo; un terzo la Signoria, un terzo le case che guarda su 'l ditto Canal, e un terzo la contrada; le barche da Mestre un soldo; i burchi do soldi; i burchi da piere, da calcina, copi, pagia, carbon, e da mercadantia, otto soldi per viazo; le zatte da legname, un per cento; e 'l tutto duri per quattro anni » (MALIPIERO, *Annali*, in Arch. Storico it., Firenze, Vieusseux, 1844, to. XII, pa. II, p. 654).

Il 7 Giugno 1464 dovevasi rinnovare la deliberation del Senato (ARCH. STA. VEN., *Sen. Terra*, reg. 5, c. 82). Ancora invano, e sempre per le stesse ra-